

სსიპ - ივანე ჯავახიშვილის სახელობის თბილისის სახელმწიფო უნივერსიტეტის მედიისა
და ტელეხელოვნების კოლეჯი

უსაფრთხოების უზრუნველყოფისა და პირველადი დახმარების აღმოჩენის წესი



თბილისი

2022

მუხლი 1. ზოგადი დებულებები

1. წინამდებარე წესი განსაზღვრავს სსიპ - ივანე ჯავახიშვილის სახელობის თბილისის სახელმწიფო უნივერსიტეტის მედიისა და ტელეხელოვნების კოლეჯში (შემდგომში - კოლეჯი) უსაფრთხოების უზრუნველყოფისა და პირველადი დახმარების აღმოჩენის მექანიზმებსა და პროცედურას.
2. ამ წესით გათვალისწინებული მექანიზმების განხორციელებაზე პასუხისმგებელია სახანძრო უსაფრთხოების უზრუნველყოფისა და პირველადი დახმარების აღმოჩენაზე დადგენილი წესით დანიშნული პასუხისმგებელი პირი/ები, აგრეთვე კოლეჯის ხელმძღვანელი და თანამშრომლები, რომლებიც ხელმძღვანელობენ საქართველოს კანონმდებლობით, კოლეჯის აქტებითა და წინამდებარე წესით.

მუხლი 2. უსაფრთხოების უზრუნველყოფის ფორმები

1. კოლეჯი უზრუნველყოფს:
 - ა) კოლეჯის კუთვნილი ქონების დაცვას;
 - ბ) სახანძრო უსაფრთხოებას;
 - გ) სამედიცინო დახმარების აღმოჩენას კოლეჯის შენობა-ნაგებობაში და მის ტერიტორიაზე მყოფი ნებისმიერი პირისათვის, რომელიც საჭიროებს აღნიშნულ დახმარებას;
 - დ) უსაფრთხოების და წესრიგის დაცვის მექანიზმების არსებობას;
 - ე) საჭიროების შემთხვევაში შენობაში მყოფთა ევაკუაციას.

მუხლი 3. ხანძარსაწინააღმდეგო უსაფრთხოების უზრუნველყოფა

1. კოლეჯში თვალსაჩინო ადგილას გამოკრულია საევაკუაციო გეგმა, რომლის შესაბამისად, საჭიროების შემთხვევაში, მოხდება შენობის უსაფრთხოდ დატოვება;
2. კოლეჯი აღჭურვილია ხანძარსაწინააღმდეგო ინვენტარით;
3. აკრძალულია კოლეჯის შენობაში ადვილად აალებადი, ფეთქებადი და მხუთავი აირების შემცველი ნივთიერებების შეტანა;
4. სახანძრო უსაფრთხოების უზრუნველყოფაზე დადგენილი წესით დანიშნული პასუხისმგებელი პირი/ები, თანამშრომლები, პროფესიული განათლების მასწავლებლები და პროფესიული სტუდენტები შენობაში ხანძრის ან წვის ნიშნების (დაკვამლიანება, დამწვრის სუნის, ტემპერატურის აწევის და ა.შ.) აღმოჩენის შემთხვევაში ვალდებული არიან:
 - ა) დაუყოვნებლივ შეატყობინონ ხანძრის გაჩენის შესახებ დაცვას, აგრეთვე კოლეჯის ხელმძღვანელობასა და მორიგე სამსახურებს (112). ამასთან, აუცილებელია დაასახელონ ობიექტის მისამართი, ხანძრის გაჩენის ადგილი, შეატყობინოს თავისი გვარი, სახელი;
 - ბ) არსებული ძალებისა და საშუალებების გამოყენებით დაუყოვნებლივ მიიღონ ზომები ადამიანთა გადასარჩენად, ევაკუაციაში, მატერიალურ ფასეულობათა გადარჩენასა და ხანძრის ჩაქრობაში;
5. სახანძრო უსაფრთხოების უზრუნველყოფის მიზნით შენობაში მყოფი ადმინისტრაციის წევრები ვალდებული არიან:
 - ა) საჭიროების შემთხვევაში გამორთონ ელექტროენერგია (გარდა ხანძარსაწინააღმდეგო დაცვის სისტემებისა), შეაჩერონ გადასატანი მოწყობილობების, აგრეგატების, აპარატების მუშაობა, გადაკეტონ ნედლეულის, გაზისა და წყლის კომუნიკაციები, შეაჩერონ ავარიულ და მასთან მომიჯნავე სათავსოებში სავენტილაციო სისტემების მუშაობა, შეასრულონ სხვა ღონისძიებები, რომლებიც ხელს შეუწყობს შენობის სათავსოებში ხანძრის გავრცელებისა და დაკვამლიანების თავიდან აცილებას;
 - ბ) შეწყვიტონ შენობაში ყველა სამუშაო გარდა სამუშაოებისა, რომლებიც დაკავშირებულია ხანძრის

ლიკვიდაციასთან;

გ) გაიყვანონ საშიში ზონის ფარგლებს გარეთ ყველა მუშაკი, რომელიც არ მონაწილეობს ხანძრის ჩაქრობაში;

დ) სახანძრო დაცვის დანაყოფის მოსვლამდე განახორციელონ ხანძრის ჩაქრობის საერთო ხელმძღვანელობა;

ე) უზრუნველყონ ხანძრის ჩაქრობაში მონაწილეთა მიერ უსაფრთხოების წესების მოთხოვნების დაცვა;

ვ) ხანძრის ჩაქრობასთან ერთად ორგანიზება გაუწიონ მატერიალურ ფასეულობათა ევაკუაციას და დაცვას;

ზ) ორგანიზება გაუწიონ სახანძრო დაცვის დანაყოფების შეხვედრას და მათთვის დახმარების აღმოჩენას ხანძრის კერასთან მისასვლელი უმოკლესი გზების შერჩევაში;

თ) სახანძრო დაცვის დანაყოფის მისვლისთანავე მიაწოდონ ინფორმაცია ხანძრის ჩაქრობის ხელმძღვანელს ობიექტის კონსტრუქციული და ტექნოლოგიური თავისებურებების, მომიჯნავე შენობებისა და ნაგებობების შესახებ, შენახული და გამოსაყენებელი ნივთიერებების, მასალების, ნაწარმის რაოდენობასა და ხანძარსაშიშ თვისებებზე და ხანძრის წარმატებით ლიკვიდაციისთვის საჭირო სხვა მონაცემებზე, აგრეთვე გაუწიოს ორგანიზება ობიექტის ძალებისა და საშუალებების ჩაბმას ხანძრის ჩაქრობასთან დაკავშირებული აუცილებელი ღონისძიებების განხორციელებაში.

6. ევაკუაციის ნიშნის შემთხვევაში ადგილზე მყოფი კოლეჯის თანამშრომლები იკავებენ მდგომარეობას უახლოეს გასასვლელებთან და მეთვალყურეობენ ევაკუაციის მიმდინარეობას.

მუხლი 4. სამედიცინო დახმარების აღმოჩენის უზრუნველყოფა

1. იმ შემთხვევაში, თუ კოლეჯს არ გააჩნია კომპეტენცია, სამედიცინო დახმარება გაუწიოს კოლეჯის პროფესიულ სტუდენტებს/მსმენელს/პერსონალს, სამედიცინო დახმარების აღმოჩენის უზრუნველსაყოფად, ოპერატიულად იქნება გამოძახებული სასწრაფო დახმარება(112).

2.სამედიცინო დახმარების აღმოჩენის მექანიზმები:

ა) პროფესიულ სტუდენტებს/მსმენელებსა და კოლეჯის თანამშრომლებს უფლება აქვთ, ნებისმიერ დროს მიმართონ კოლეჯის პირველადი გადაუდებელი დახმარების აღმოჩენაზე პასუხისმგებელ პირს და მიიღონ შესაბამისი კონსულტაცია ან სამედიცინო დახმარება;

ბ) თუ პროფესიული სტუდენტი/მსმენელი ან კოლეჯის თანამშრომელი ვერ ახერხებს კოლეჯის პირველადი გადაუდებელი დახმარების აღმოჩენაზე პასუხისმგებელ პირთან დამოუკიდებლად მისვლას, ამის შესახებ დაუყოვნებლივ უნდა ეცნობოს დაცვის სამსახურს ან ადმინისტრაციას, რომლებიც ვალდებული არიან მიიყვანონ ეს პიროვნება პირველი დახმარების პუნქტთან;

გ) თუ პროფესიული სტუდენტის/მსმენელის (შემდგომში სტუდენტის) ან კოლეჯის თანამშრომლის ჯანმრთელობის მდგომარეობის სირთულიდან გამომდინარე ეჭვქვეშ დგება მისი გადაადგილების უსაფრთხოება, კოლეჯში მყოფ ნებისმიერ პირს უფლება აქვს აცნობოს კოლეჯის პირველადი გადაუდებელი დახმარების აღმოჩენაზე პასუხისმგებელ პირს და სთხოვოს მას ავადმყოფისთვის ადგილზე დახმარების გაწევა. კოლეჯის პირველადი გადაუდებელი დახმარების აღმოჩენაზე პასუხისმგებელ პირს ვალდებულია დააკმაყოფილოს ეს თხოვნა;

დ) აუცილებლობის შემთხვევაში კოლეჯის პირველადი გადაუდებელი დახმარების აღმოჩენაზე პასუხისმგებელ პირმა დაუყოვნებლივ უნდა გამოიძახოს სასწრაფო დახმარება და საჭიროების შემთხვევაში სხვა სამსახურები (პოლიცია და ა.შ).

ე) სასწრაფო სამედიცინო დახმარების სამსახურის გამოძახებისას, კოლეჯის პირველადი გადაუდებელი დახმარების აღმოჩენაზე პასუხისმგებელ პირმა ოპერატორს უნდა მიაწოდოს ზუსტი ინფორმაცია, კერძოდ:

ე.ა. საკუთარი ტელეფონის ნომერი;

ე.ბ. კოლეჯის მისამართი;

- ე.გ. ინფორმაცია შემთხვევის შესახებ;
- ე.დ. დაზარალებულთა რაოდენობა, სქესი, ასაკი და ზოგადი მდგომარეობა;
- ე.ე. ნებისმიერი სხვა საჭირო ინფორმაცია.

3. კოლეჯის პირველადი გადაუდებელი დახმარების აღმოჩენაზე პასუხისმგებელ პირის ძირითადი ფუნქციებია:

- ა) კოლეჯის პერსონალისა და სტუდენტებისთვის უსასყიდლოდ პირველადი სამედიცინო დახმარების აღმოჩენა;
- ბ) კოლეჯის პერსონალისა და სტუდენტებისთვის თავისი კომპეტენციის ფარგლებში უსასყიდლოდ კონსულტაციის გაწევა;
- გ) კოლეჯში ცხოვრების ჯანსაღი წესის დანერგვის ხელშეწყობა;
- დ) შესაძლებლობის ფარგლებში აუცილებელი ღონისძიებების გატარება დაავადებათა გავრცელების თავიდან აცილების მიზნით.
- ე) ამ ამოცანების ეფექტურად შესრულების მიზნით, კოლეჯის კოლეჯის პირველადი გადაუდებელი დახმარების აღმოჩენაზე პასუხისმგებელ პირს გამოყოფილი აქვს სათანადო ინვენტარითა და მედიკამენტებით აღჭურვილი კუთხე.

4. კოლეჯის პირველადი გადაუდებელი დახმარების აღმოჩენაზე პასუხისმგებელ პირი ახორციელებს მედიკამენტების ვადების კონტროლს.

მუხლი 5. უსაფრთხოების და წესრიგის დაცვის მექანიზმები

1. კოლეჯის შესაბამისი პასუხისმგებელი პირი/ები (დაცვა/სახანძრო უსაფრთხოების უზრუნველყოფაზე დადგენილი წესით დანიშნული პასუხისმგებელი პირი/ები/კოლეჯის პირველადი გადაუდებელი დახმარების აღმოჩენაზე პასუხისმგებელ პირი) ვალდებული არიან მუდმივად აკონტროლონ კოლეჯში კორიდორები და დარღვევის აღმოჩენის შემთხვევაში დაუყოვნებლივ აღმოფხვრან იგი.

2. სტუდენტის მხრიდან ეთიკის ნორმების დარღვევის შემთხვევაში (ჩხუბი, კოლეჯის ინვენტარის დაზიანება, წესრიგის დარღვევა, უხამსი საქციელი, ბილწისიტყვობა და სხვა) დაცვის თანამშრომელი, რომელმაც აღმოაჩინა დარღვევა, ადმინისტრაციის შესაბამის უფლებამოსილ თანამშრომელთან ერთად ადგენს ოქმს, სადაც აღწერილია დარღვევის არსი, დამრღვევის მონაცემები (გვარი, სახელი, პირადი ნომერი, სპეციალობა, ჯგუფი), დამრღვევის ახსნა-განმარტება. შედგენილი ოქმი განსახილველად გადაეცემა დისციპლინურ კომისიას, რომელიც ხელმძღვანელობს კოლეჯის შინაგანაწესით.

მუხლი 6. გარდამავალი დებულებანი

1. კოლეჯს აქვს უფლება უსაფრთხოების დასაცავად განახორციელოს ისეთი ქმედება, რაც ამ წესით არ არის განსაზღვრული, რომელიც უნდა შეესაბამებოდეს საქართველოს მოქმედ კანონმდებლობასა და დამდგარ ფაქტობრივ მდგომარეობას, რომლის გამოც საჭირო გახდება ასეთი წესების გამოყენება.

ცეცხლმაქრის გამოყენების ინსტრუქცია

			
1. გამოქანეთ საჭურვი	2. უსაფრთხო დისტანციიდან მიმართეთ შლანგი ცეცხლისკენ	3. მოუჭირეთ ხელი ოპერაციულ პერკეტს	4. დაიწვეთ შლანგით ცეცხლის ჩაქრობა

საჭირო ნომრები:

გადაუდებელ და საგანგებო სიტუაციებში დახმარების გამოძახების ერთიანი სატელეფონო ნომერია 112

„112“ არის 24-საათიანი საგანგებო სიტუაციების მართვის ცენტრი, სადაც ყველას შეუძლია დარეკოს გადაუდებელი დახმარების მისაღებად.

„112“-ზე დარეკვა შესაძლებელია ნებისმიერი სახის ტელეფონიდან, სახლის ტელეფონიდანაც და მობილურიდანაც. **112-ზე დარეკვა უფასოა.**

112-ზე დარეკვისას ისაუბრეთ გარკვევით და მშვიდად უთხარით ოპერატორს თქვენი სახელი და ადგილსამყოფელი. არ დაკიდოთ ყურმილი პირველმა.

ვებ-გვერდი: www.112.ge

როგორ მოვიქცეთ ხანძრის დროს

ცეცხლის კერის დანახვისთანავე დაუყოვნებლივ დატოვეთ შენობა ან შეეცადეთ ჩააქროთ ცეცხლი. საჭიროების შემთხვევაში ისარგებლეთ საევაკუაციო გასასვლელით.

თუ გადაწყვეტთ, რომ არ დატოვოთ შენობა და თავად შეებრძოლოთ ცეცხლს, მაშინ აუცილებელია დაიცვათ შემდეგი მოთხოვნები:

1. თუ თვლით, რომ ცეცხლთან გამკლავება ძნელი იქნება ცეცხლის ჩაქრობის დაწყებამდე აუცილებლად უნდა დარეკოთ სახანძროში;
2. უნდა იცოდეთ ცეცხლმაქრის გამოყენების წესები. თუ წესები არ იცით დაუყოვნებლივ დატოვეთ შენობა;
3. აუცილებლად უნდა შეამოწმოთ არის თუ არა ცეცხლმაქრი სავსე;
4. კოლეჯის დაცვისა და უფლებამოსილი თანამშრომლის მოთხოვნის შემთხვევაში სტუდენტი ვალდებულია დაუყოვნებლივ დატოვოს შენობა.

თუ ხანძრის დროს ვერ ახერხებთ შენობიდან გამოსვლას

1. შედით ყველაზე უსაფრთხო ოთახში, დაკეტეთ კარი და კართან დააფინეთ სველი ტილო ან სხვა ნაჭერი ისე, რომ მაქსიმალურად შეზღუდოთ ოთახში კვამლის შემოსვლა;
2. თუ თქვენსა და ცეცხლის კერას შორის არის ერთი ან რამდენიმე კარი, აუცილებლად დაკეტეთ ყველა კარი;
3. იყავით მზად იმისათვის, რომ მოვლენ თქვენს დასახმარებლად და ყური დაუგდეთ შესაბამის სიგნალს;
4. თუ კვამლმა შემოადღწია ოთახში, დაწექით იატაკზე, ისუნთქეთ მხოლოდ ცხვირით და სუნთქვისას აიფარეთ ცხვირსახოცი ან სხვა ნაჭერი;
5. თუ გადაწყვეტთ გაიაროთ ცეცხლმოკიდებულ ტერიტორიაზე, აუცილებლად დაიფარეთ წინასწარ თავი და თმები, შეიკავეთ სუნთქვა და იმოდრავით შეძლებისდაგვარად სწრაფად. მოძრაობისას ეცადეთ, მაქსიმალურად დახუჭოთ თვალები;
6. სსსმ სტუდენტები აუცილებლად უნდა გავიდნენ ყველაზე უსაფრთხო ოთახში და დაელოდონ დახმარებას ან დახმარება სთხოვონ ადმინისტრაციულ პერსონალს;
7. თუ ნახავთ, რომ შენობა ევაკუირებულია ან იქ იმყოფება მხოლოდ ადმინისტრაციული პერსონალი სასწრაფოდ დატოვეთ შენობა. საჭიროების შემთხვევაში ისარგებლეთ საევაკუაციო გასასვლელით.

შენობაში აკრძალულია:

- სიგარეტის მოწევა;
- კუსტარული ელექტროგამათბობლებით ან ელექტროგამაცხელებლებით სარგებლობა;
- ღია ცეცხლით ან ღია ცეცხლის წყაროთი სარგებლობა;
- საწვავის, ზეთის ან სხვა აალებადი ნივთიერებების შენახვა და სარგებლობა;